

**SPRM siasat laporan Ketua Audit Negara**  
**Malaysiakini.com**  
**October 26, 2010**

Suruhanjaya Pencegahan Rasuah Malaysia (SPRM) membuka 13 kertas siasatan, 14 kertas penyiasatan awal serta lima kertas pemeriksaan dan perundingan berhubung beberapa isu yang dibangkitkan dalam Laporan Ketua Audit Negara 2009, yang diumumkan semalam.

SPRM dalam satu kenyataan hari ini memaklumkan bahawa tiga kertas siasatan dibuka di Johor, enam di ibu pejabat, dua di Terengganu serta masing-masing satu di Sarawak dan Selangor.

Bagi kertas penyiasatan awal, enam dibuka di Perak, dua di Labuan, Sabah dan Kedah serta masing-masing satu di Terengganu dan Selangor.

Sementara itu, tiga kertas pemeriksaan dan perundingan dibuka di Johor serta masing-masing satu di Labuan, Sabah dan Sarawak.

Menurut kenyataan itu, SPRM akan mengenal pasti beberapa perkara lain yang dibangkitkan dalam laporan berkenaan untuk dijadikan asas siasatan mengikut Akta Suruhanjaya Pencegahan Rasuah 2009.

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/146481>